



Pou Piblikasyon Imedya: 28/07/2022

GOUVÈNÈ KATHY HOCHUL

GOUVÈNÈ HOCHUL ANONSE 113 MILYON DOLA POU OGMANTE ENSKRIPSYON NAN SUNY AK POUSANTAJ KI FINI NAN INIVÈSITE

*Fè pati angajman bidjè istorik la pou edikasyon siperyè pou garanti plas SUNY
kòm yon lidè global nan edikasyon siperyè*

*Total la gen ladan 60 milyon dola atravè SUNY pou envestisman nan eskripsyon,
pwogram akademik, sèvis elèv ak efikasite operasyonèl avèk yon priyorite ki
mete sou enstitisyon ki gen pi gwo divèsite pami elèv yo*

53 milyon dola pou anboche pwofesè aplentan nan plis pase 30 kanpis

Gouvènè Kathy Hochul te anonse jodi a Konsèy Administrasyon State University of New York te apwouye kritè pou repati 113 milyon dola nan finansman dirèk ki soti nan Eta New York. Envestisman esansyèl sa a pral sipòte pwogram kanpis ki fèt pou ogmante sèvis pou etidyan SUNY yo, ranfòse enskripsyon nan enstitisyon SUNY yo epi sipòte pousantaj ki fini nan inivèsite. Finansman an se yon pati nan angajman bidjè istorik Gouvènè a ak lejislatè eta a yo pran nan edikasyon siperyè, epi li pral ede garanti plas SUNY kòm yon lidè global nan edikasyon siperyè.

"SUNY te bay opòtinite edikasyonèl ki chanje lavi pou yon bann elèv epi nou dwe kontinye bay resous ki nesesè pou pwochen jenerasyon elèv k ap chèche yon edikasyon klas mondal", **Gouvènè Hochul te deklare**. "Avèk apwobasyon Konsèy Administrasyon SUNY jodi a, nou respekte angajman nou te pran nan bidjè a pou revitalize sistèm SUNY, anboche plis pwofesè, ogmante divèsite pami gwoup etidyan yo, epi elajji pòte kanpis nou yo pou atire epi kenbe etidyan yo".

Nan 113 milyon dola a, gen 60 milyon dola ki enkli pou distribye atravè kanpis SUNY yo pou envesti nan enskripsyon, pwogram akademik, sèvis pou etidyan ak efikasite operasyon. Kanpis k ap resevwa finansman yo dwe rapòte bay Administrasyon Sistèm SUNY kijan fon yo pral abòde pwoblèm enskripsyon yo, abòde òf pwogram akademik yo, devlope sou efikasite operasyon ki egziste deja yo pandan y ap chèche nouvo opòtinite, epi bay etidyan yo sèvis esansyèl. Anplis de sa, lajan yo ap itilize pou sipòte inisyativ tankou mikwo-akreditasyon ak lòt pwogram pou tout etidyan.

53 milyon dola anplis la pral itilize pou anboche pwofesè aplentan. Apre yon analiz ki te depann prensipalman de yon konparezon kanpis SUNY ak lòt enstitusyon piblik yo, yo te chwazi plis pase 30 kanpis SUNY pou resevwa finansman sa a ki pral itilize pou sipòte depans pou salè ak benefis yo.

Konsèy Administrasyon SUNY an te apwouve tou yon egzansyon otomatik frè pou aplikasyon pou nenpòt elèv lekòl segondè ki chwazi aplike nan yon kanpis SUNY ki soti nan youn nan 500 lekòl segondè piblik Eta New York ki gen plis pase 75 poustan nan popilasyon elèv yo ki elijib pou manje midi gratis ak bon mache padan twa ane konsekatif. SUNY pral kòmanse ankouraje egzansyon frè a pou asire elèv ki elijib yo konnen pwogram nan. Konsèy la te vote tou pou kenbe tout poustantaj frè ekolaj kanpis eta a ap jere ak frè fiks jeneral yo nan nivo 2021-2022.

Chanselye Pwovizwa SUNY an, Deborah F. Stanley, te deklare, "Pandan SUNY ap leve defi Gouvènè a pou li inove edikasyon siperyè pou atenn tout etidyan epi sipòte siksè yo, nou rekonesan pou finansman dirèk la pou ede kanpis nou yo depase yo nan travay nòb sa a. Gen yon edikasyon nan inivèsite se yon bagay enpòtan, plis toujou jodi a pandan endistri yo ap evolye, epi jwenn yon diplòm oswa yon kalifikasyon nan fakilte ak inivèsite SUNY ki byen klase yo mete etidyan yo nan yon pakou pou plis reyisit. Siksè elèv nou yo pouse nou fè plis, epi nan non lidè kanpis nou yo ak pwofesè ak anplwaye ekselan ki sipòte ak enspire etidyan nou yo, nou kontan anpil pou opòtinite sa a."

Senatè Eta, Toby Ann Stavisky, te deklare, "Yon edikasyon nan SUNY se youn nan pi gwo motè mobilité asandan. Antanke Prezidan Komite Edikasyon Siperyè Sena a, mwen kontan wè envestisman sa a nan SUNY. Fason pou amelyore enskripsyon k ap diminye se nan chèche fason kreyatif pou ranvèse tandans sa a. Anboche nouvo pwofesè aplentan, elaji òf akademik nou yo ak ranfòse sèvis etidyan yo pral ede asire ke New York kontinye bay yon eksperyans akademik bon kalite pou tout moun ki chwazi pouswiv li".

Manm Asanble Deborah J. Glick te deklare, "Sistèm edikasyon siperyè piblik New York la pa gen parèy, epi finansman sa a pral pote yon edikasyon eksepsyonèl ki disponib pou plis etidyan. Kanpis eksepsyonèl SUNY yo depann de finansman jenere eta a tankou sa, epi mwen pa ka tann pou m pwofite envestisman enpòtan sa a nan ane k ap vini yo".

Prezantasyon State University of New York

State University of New York se pi gwo sistèm konplè nan edikasyon siperyè nan Etazini epi plis pase 95 poustan nan tout Nouyòkè yo ap viv nan yon distans 48 km de nenpòt nan 64 fakilte oswa inivèsite SUNY yo. Nan tout sistèm lan, SUNY genyen kat sant sante akademik, senk lopital, kat fakilte medikal, de fakilte dantè, yon lekòl dwa, sèl inivèsite optometri Eta a, epi li jere yon Laboratwa Nasyonal Depatman Enèji Etazini (US Department of Energy National Laboratory) an. An total, SUNY sèvi anviwon 1.3 milyon etidyan nan tout pòtfèy kou ak pwogram kredi epi ki pa mande kredi, edikasyon kontinyèl ak pwogram sansibilizasyon kominotè yo. SUNY an siveye

prèske yon ka nan rechèch akademik nan New York. Depans pou rechèch yo nan tout sistèm nan te prèske 1.1 milya dola nan ane fiskal 2021 an, ki gen ladan gwo kontribisyon nan men etidyan ak pwofesè yo. Genyen plis pase twa milyon ansyen etidyan SUNY nan monn lan epi youn sou chak twa Nouyòkè ki genyen yon diplòm inivèsité se yon ansyen etidyan SUNY. Pou jwenn plis enfòmasyon sou fason SUNY kreye opòtinite, ale nan sitwèb www.suny.edu.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418